

ხელშეკრულება №ლტ/2017-006
(სახელმწიფო შესყიდვის შესახებ CPV - 50343000)

ქ. თბილისი

22 მარტი, 2017 წელი

შპს „ჯიარ ლოგისტიკა და ტერმინალები“, შემდგომში - „შემსყიდველი“, წარმოდგენილი მისი დირექტორის ლევან სულაბერიძის სახით და შპს „სოფტმასტერ სერვისი“ (ს/კ404431897), შემდგომში - „მიმწოდებელი“, ორივე ერთად კი წოდებული „მხარეები“, ვხელმძღვანელობთ რა „სახელმწიფო შესყიდვების შესახებ“ საქართველოს კანონის, „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის N9 ბრძანების და საქართველოს მოქმედი კანონმდებლობის საფუძველზე, ვდებთ წინამდებარე ხელშეკრულებას შემდეგზე:

1. ხელშეკრულებაში გამოყენებულ ტერმინთა განმარტება

- 1.1. „ხელშეკრულება სახელმწიფო შესყიდვის შესახებ“ (შემდგომში - „ხელშეკრულება“) - შემსყიდველ ორგანიზაციასა და ტენდერში გამარჯვებულ პრეტენდენტს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და დამატებით და ასევე მთელი დოკუმენტაციით, რომლებზეც ხელშეკრულებაში არის მინიშნებები;
- 1.2. „ხელშეკრულების ღირებულება“ - საერთო თანხა, რომელიც უნდა გადაიხადოს შემსყიდველმა ორგანიზაციამ მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის;
- 1.3. „შემსყიდველი ორგანიზაცია“ (შემდგომში „შემსყიდველი“) - ორგანიზაცია (დაწესებულება), რომელიც ახორციელებს შესყიდვას;
- 1.4. „მიმწოდებელი“- პირი, რომელმაც მოიპოვა გამარჯვება ტენდერში და ახორციელებს სამუშაოებს სახელმწიფო შესყიდვის შესახებ, მოცემული ხელშეკრულების ფარგლებში;
- 1.5. „მომსახურება“- ხელშეკრულებით განსაზღვრული მომსახურება, რომელიც უნდა შეასრულოს „მიმწოდებელმა“;
- 1.6. „დღე“, „კვირა“, „თვე“ - ნიშნავს კალენდარულ დღეს, კვირას, თვეს.

2. ხელშეკრულების საგანი

- 2.1. შპს „ჯიარ ლოგისტიკა და ტერმინალები“-ს ობიექტებზე დამონტაჟებული ვიდეო სამეთვალყურეო აპარატურის ტექნიკური მომსახურება (თანმდები მონტაჟით/დემონტაჟით), ზედამხედველობა და შემსყიდველისათვის აღნიშნული ობიექტების უწყვეტ რეჟიმში თვალთვალის განხორციელების შესაძლებლობის უზრუნველყოფა.

3. შესყიდვის ობიექტის ტექნიკური დავალება და მომსახურების მიწოდების პირობები

- 3.1. მიმწოდებელმა უნდა მოახდინოს შემსყიდველ ორგანიზაციის ტერმინალებზე (მისამართები: თბილისი ცენტრალური ისანი სამგორი ნაკვეთი № 01/154, ფოთი ნაბადის უბანი, ნაკვეთი 03/618, საბაჟო საკონტეინერო ტერმინალები) დამონტაჟებული ვიდეო სამეთვალყურეო სისტემის დანართი №1-ში მითითებული აპარატურის ტექნიკური მომსახურება, ზედამხედველობა და უწყვეტ რეჟიმში თვალთვალის განხორციელების შესაძლებლობის უზრუნველყოფა.
- 3.2. შემსყიდველის გადაწყვეტილებით შესაძლებელია ობიექტებზე დაემატოს კამერების რაოდენობა, (მაქსიმუმ 10 ერთეული) რომლებზეც მიმწოდებელმა ანალოგიურად უნდა განახორციელოს ტექნიკური მომსახურება ხელშეკრულების ღირებულების გაზრდის გარეშე.
- 3.3. მიმწოდებელმა საკუთარი ხარჯებით უნდა აღმოფხვრას სისტემის ტექნიკური გაუმართაობა ან/და დაზიანება (თუ დაზიანებული ნაწილი არ ექვემდებარება შეკეთებას, შეცვალოს თავისივე ხარჯებით)

შეტყობინების მიღებიდან არაუგვიანეს 48 საათისა და უზრუნველყოს სისტემის უწყვეტი ფუნქციონირება. გარდა იმ შემთხვევისა როდესაც სისტემა დაზიანდა ელექტრო ქსელის თავისებურებების და ანომალიების მიზეზით და საჭიროებს სხვა დამატებით აღდგენით სამუშაოებს, რაც მიმწოდებლის ვალდებულებებში არ შედის.

- 3.4. თუ კამერების ან/და აპარატურის შეკეთება შესაძლებელია მიმწოდებლის საშუალებებით, მიმწოდებელმა უნდა შეაკეთოს საკუთარი საშუალებებით. იმ შემთხვევაში როდესაც შეკეთება საჭიროებს 48 საათზე მეტ დროს ან აპარატურა არ ექვემდებარება შეკეთებას მიმწოდებელმა უნდა დაამონტაჟოს შემცვლელ აპარატურა (კამერა, ჩამწერი მოწყობილობა და ა.შ.) შეკეთებული აპარატურის უკან დაბრუნებამდე ან მისი შემცვლელი აპარატურის შეძენამდე შემსყიდველი ორგანიზაციის მიერ.
- 3.5. მიმწოდებლის მიერ შეცვლილი აპარატურის დაზიანების შემთხვევაში შემსყიდველს პასუხისმგებლობა არ ეკისრება.
- 3.6. მიმწოდებელმა უნდა განახორციელოს შემსყიდველის ტერიტორიაზე დამონტაჟებული ვიდეო სამეთვალყურეო სისტემის პროფილაქტიკური შემოწმება ყოველ თვეში სამჯერ 10 (ათი) კალენდარული დღის ინტერვალით მიუხედავად არსებული შეტყობინებისა დაზიანების თაობაზე. გეგმიური პროფილაქტიკური მომსახურების გაწევა უნდა მოიცავდეს შემდეგ მოქმედებების განხორციელებას:
 - ელექტროკომპონენტების, სადენების და შეერთებების შემოწმება;
 - აკუმულატორების შემოწმება;
 - ვიდეოსამეთვალყურეო კამერების განლაგების და ხედვის მიმართულების შემოწმება და საჭიროების შემთხვევაში კორექტირება-შემსყიდველის მოთხოვნით
 - ციფრული ჩამწერის პარამეტრების შემოწმება (ჩაწერის ხარისხი, ჩანაწერის უწყვეტობა, ჩაწერის პერიოდი, დროის გასწორება და ა.შ.)
 - ციფრული ჩამწერების მტრისგან გაწმენდა (აღნიშნული მომსახურება მიზანშეწონილია განხორციელდეს 3 თვეში ერთხელ)
- 3.7. მიმწოდებელმა საჭიროების შემთხვევაში უსასყიდლოდ უნდა შეცვალოს პროგრამული უზრუნველყოფა Luxriot ახალი ანალოგიური ფუნქციონალის მქონე პროგრამით, მინიმუმ 15 კამერის მხარდაჭერის ლიცენზიით.
- 3.8. ხელშეკრულების მოქმედების პერიოდში, მიმწოდებელმა უნდა უზრუნველყოს შემსყიდველის მოთხოვნის საფუძველზე ვიდეოსამეთვალყურეო კამერების (მათ შორის დამატებული კამერები) მონტაჟი-დემონტაჟი. (ორივე ობიექტში მაქსიმუმ 10 ერთეული)

4. ხელშეკრულების ღირებულება

- 4.1. ხელშეკრულების საერთო ღირებულება შეადგენს 11,196.00 (თერმეტიათას ასოთხმოცდათექვსმეტი) ლარს დღგ-ს გარეშე, ხოლო 13,211.28 (ცამეტიათას ორასთერთმეტი ლარი და 28 თეთრი) ლარს დღგ-ს ჩათვლით.

5. შესყიდვის ობიექტის (მომსახურების) მიწოდების ადგილი და ვადები:

- 5.1. მომსახურების მიწოდების ადგილი: შპს „ჯიარ ლოგისტიკა და ტერმინალების“ საკუთრებაში არსებული საკონტეინერო ტერმინალები, მისამართი:
 - 5.1.1. ქ.თბილისი, ცენტრალური ისანი სამგორი, ნაკვეთი 01/154;
 - 5.1.2. ქ.ფოთი, ნაბადის უბანი, ნაკვეთი #03/618
- 5.2. შესყიდვის ობიექტის მიწოდების ვადა: ხელშეკრულების გაფორმებიდან 2018 წლის 22 მარტის ჩათვლით

6. ანგარიშსწორების პირობები:

- 6.1. ანგარიშსწორება განხორციელდება ყოველთვიურად ხელშეკრულების საერთო ღირებულების 1/12-ს ოდენობით.
- 6.2. ანგარიშსწორების ფორმა: უნაღდო (წინასწარი ანგარიშსწორების მექანიზმი არ გამოიყენება).
- 6.3. ანგარიშსწორება მოხდება ყოველთვიურად გაფორმებული შესაბამისი მიღება-ჩაბარების აქტის გაფორმებიდან 10 (ათი) სამუშაო დღის განმავლობაში. (დღგ-ს გადამხდელის შემთხვევაში საგადასახადო ანგარიშგაქტურის წარმოდგენიდან 10 (ათი) სამუშაო დღის განმავლობაში.)
შენიშვნა: თითოეულ ობიექტზე (2 ობიექტი) ცალ-ცალკე მითითებული ფასები გათვალისწინებული იქნება იმ შემთხვევაში თუ რომელიმე ობიექტი გამოაკლდება საერთო შესყიდვის ობიექტს (შემსყიდველის გადაწყვეტილებით) და საჭირო გახდება

ხელშეკრულებაში შესაბამისი ცვლილებების განხორციელება.

7. შესყიდვის ობიექტის მიღება-ჩაბარების წესი

- 7.1. ხელშეკრულებით გათვალისწინებული მომსახურება შესრულებულად ჩაითვლება მხარეთა მიერ საბოლოო ან/და ეტაპობრივი მიღება-ჩაბარების აქტ(ებ)ზე ხელმოწერის მომენტიდან, რაც დაადასტურებს სამუშაოების მთლიანი ან/და თითოეულ ობიექტზე დამონტაჟების დამადასტურებელ საბუთს.
- 7.2. შემსყიდველის მხრიდან მიღება-ჩაბარების აქტზე ხელმოწერა უფლებამოსილ პირს წარმოადგენს IT-ს უფროსი სპეციალისტი კონსტანტინე ბახია.
- 7.3. ხელშეკრულების ადმინისტრატორად "შემსყიდველის" მხრიდან განისაზღვროს IT-ს უფროსი სპეციალისტი კონსტანტინე ბახია, ტელ: 599 09 50 06.

8. შესყიდვის ობიექტის ხარისხი და გარანტია

- 8.1. მიმწოდებელი იძლევა გარანტიას, რომ მომსახურება მის მიერ განხორციელდება ჯეროვნად, ხარისხიანად და კეთილსინდისიერად.
- 8.2. მომსახურების გაწევის პროცესში გამოყენებული რესურსი (ადამიანური/ტექნიკური) უნდა აკმაყოფილებდეს ხელშეკრულების მიზნების მისაღწევად საჭირო სტანდარტებს, იყოს გამართული და დადგენილი რაოდენობის.
- 8.3. მიმწოდებელი იძლევა გარანტიას, რომ შემსყიდველის წინასწარი გაფრთხილების გარეშე და მასთან შეუთანხმებლად არ გადასცემს მესამე პირ(ებ)ს მის უფლებებსა და ვალდებულებებს ან/და მათ ნაწილს.
- 8.4. ხელშეკრულების ფარგლებში შესრულებული სამუშაოები უნდა შეესაბამებოდეს ტექნიკური დავალების პირობებში მითითებულ მოთხოვნებს.

9. მხარეთა უფლება მოვალეობანი

- 9.1. მიმწოდებელი ვალდებულია:
 - 9.1.1. უზრუნველყოს წინამდებარე ხელშეკრულებით ნაკისრი ვალდებულებების დროული და ხარისხიანი შესრულება.
 - 9.1.2. აწარმოოს აღრიცხვა გაუმართაობის შესახებ შეტყობინების მიღების შემდეგ შესრულებული სამუშაოების შესახებ
- 9.2. მიმწოდებელი უფლებამოსილია:
 - 9.2.1. მოთხოვოს შემსყიდველს შესრულებული სამუშაოების ღირებულების დროულად ანაზღაურება.
 - 9.2.2. გათავისუფლდეს წინამდებარე ხელშეკრულების მე-3 მუხლით გათვალისწინებული ვალდებულებებისაგან იმ შემთხვევაში, როდესაც შემსყიდველი არ იცავს აპარატურაზე (სისტემა, დანადგარები და ა.შ.) მწარმოებლის მიერ განსაზღვრულ ექსპლუატაციის ნორმებს (არსებობის შემთხვევაში), ახორციელებს მასზე ფიზიკურ ზემოქმედებას (არაკვალიფიციური ჩარევა კონფიგურაციის შეცვლის, დეტალის გამოცვლის, დაზიანების აღმოფხვრის ან/და სხვა მიზნით).
- 9.3. შემსყიდველი ვალდებულია:
 - 9.3.1. წინამდებარე ხელშეკრულების პირობების შესაბამისად გადაუხადოს მიმწოდებელს დროულად და სრულად შესრულებული სამუშაოების გაწევისათვის განსაზღვრული ანაზღაურება.
 - 9.3.2. უზრუნველყოს აპარატურის მიწოდებისა და მონტაჟისათვის საჭირო ტერიტორიის მზადყოფნა.
 - 9.3.3. დაიცვას აპარატურაზე (სისტემა, დანადგარები და ა.შ.) მწარმოებლის მიერ განსაზღვრული ექსპლუატაციის ნორმები (არსებობის შემთხვევაში), არ განახორციელოს ფიზიკური ზემოქმედება (არაკვალიფიციური ჩარევა კონფიგურაციის შეცვლის, დეტალის გამოცვლის, დაზიანების აღმოფხვრის ან/და სხვა მიზნით).
 - 9.3.4. გააკონტროლოს და ჩაიბაროს სამუშაოები, მათი ხარისხი და ხელი მოაწეროს შესაბამის მიღება-ჩაბარების აქტ(ებ)ს.
 - 9.3.5. შეძლებისდაგვარად დროულად შეიძინოს ისეთი აპარატურა, რომელიც არ ექვემდებარება შეკეთებას საკუთარი სახსრებით.

9.4. შემსყიდველი უფლებამოსილია:

9.4.1. მოსთხოვოს მიმწოდებელს წინამდებარე ხელშეკრულებით ნაკისრი ვალდებულებების დროული და ხარისხიანი შესრულება.

10. ხელშეკრულების პირობების შეუსრულებლობა

- 10.1. ხელშეკრულებით ნაკისრი ვალდებულებების შესრულების ვადის გაშვების შემთხვევაში მხარეს ეკისრება პირგასამტეხლო ყოველ გადაცილებულ დღეზე შეუსრულებელი ვალდებულების ღირებულების 0.02%-ის ოდენობით;
- 10.2. იმ შემთხვევაში თუ პირგასამტეხლოს ჯამური რაოდენობა გადააჭარბებს სახელშეკრულებო ღირებულების 3%-ს შემსყიდველი ორგანიზაცია იტოვებს უფლებას ცალმხრივად შეწყვიტოს ხელშეკრულება;
- 10.3. პირგასამტეხლოს გადახდა არ ათავისუფლებს მხარეს ძირითადი ვალდებულებების შესრულებისაგან.

11. ხელშეკრულებაში ცვლილების შეტანა და ხელშეკრულების შეწყვეტა

- 11.1. ხელშეკრულებაში ნებისმიერი ცვლილების, დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე;
- 11.2. ხელშეკრულების პირობების, მათ შორის, ფასის შეცვლა დაუშვებელია თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისთვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა.
- 11.3. ხელშეკრულების დამდებ არც ერთ მხარეს არ აქვს უფლება შეიტანოს ცვლილებები სამუშაოს შესრულების გრაფიკში, მეორე მხარესთან შეთანხმების გარეშე.
- 11.4. მიმწოდებლის მიერ ხელშეკრულების პირობების სისტემატური შეუსრულებლობის შემთხვევაში, შემსყიდველი უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ;
- 11.5. თუ მიმწოდებელს ხელშეკრულებით გათვალისწინებულ ან შემსყიდველის მიერ გაგრძელებულ ვადებში არ შეუძლია შეასრულოს სამუშაო ან მისი ნაწილი შემსყიდველი უფლებამოსილია შეწყვიტოს ხელშეკრულება ცალმხრივად;
- 11.6. შემსყიდველს შეუძლია მიიღოს გადაწყვეტილება ხელშეკრულების ცალმხრივად შეწყვეტის შესახებ მიმწოდებლის გაკოტრების შემთხვევაში;
- 11.7. ხელშეკრულება შეიძლება შეწყდეს მხარეთა ინიციატივით, ურთიერთშეთანხმების საფუძველზე.

12. ფორს-მაჟორი

- 12.1. ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას და ხელშეკრულების შესრულების გარანტიის დაუბრუნებლობას, თუ ხელშეკრულების შესრულების შეფერხება ან მისი ვალდებულებების შეუსრულებლობა არის ფორს-მაჟორული გარემოების შედეგი.
- 12.2. ამ მუხლის მიზნებისათვის "ფორს-მაჟორი" ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნეს ომით ან სტიქიური მოვლენებით, ეპიდემიით, კარანტინით და საქონლის მიწოდებაზე ემბარგოს დაწესებით, საბიუჯეტო ასიგნებების მკვეთრი შემცირებით და სხვა.
- 12.3. ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამოახოს ვალდებულებების შესრულების ისეთი

ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებების ზეგავლენისაგან.

13. სხვა პირობები

- 13.1. მხარეებს შორის წამოჭრილი დავები გადაწყდება მხარეთა ურთიერთშეთანხმებით, წინააღმდეგ შემთხვევაში დავა განსახილველად გადაეცემა სასამართლოს.
- 13.2. თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ რაც შეიძლება მოკლე დროში უნდა აცნობოს მეორე მხარეს თავისი გადაწყვეტილება, მიღებული აღნიშნულ გარემოებებთან დაკავშირებით.
- 13.3. წინამდებარე ხელშეკრულების ყველა დამატება, ცვლილება, შესწორება და დანართი წარმოადგენს მის განუყოფელ ნაწილს და მოქმედებს მასთან ერთად.
- 13.4. ხელშეკრულება შედგენილია ქართულ ენაზე, ორი თაბარი იურიდიული ძალის მქონე ეგზემპლარად, რომელთაგანაც თითო-თითო ეგზემპლარი გადაეცემათ მხარეებს.
- 13.5. მხარეები ვალდებული არიან დაუყოვნებლივ აცნობონ ერთმანეთს რეკვიზიტის ნებისმიერ მონაცემის ცვლილების შესახებ.

14. ვადები

- 14.1. მომსახურების მიწოდება უნდა განხორციელდეს ხელშეკრულების ხელის მოწერიდან 1(ერთი) წლის განმავლობაში.
- 14.2. ხელშეკრულება ძალაში შედის მისი ხელმოწერისთანავე და მოქმედებს 2018 წლის 22 მაისის ჩათვლით.
- 14.3. ხელშეკრულების ვადების ცვლილება დასაშვებია მხოლოდ მხარეთა შეთანხმებით.

15. მხარეთა რეკვიზიტები:

შემსყიდველი

შპს „ჯიარ ლოგისტიკა და ტერმინალები“
საიდ. კოდი 202462101:
მისამართი: თამარ მეფის გამზირი №15
საბანკო რეკვიზიტები: სს „ვი თი ბი ბანკი ჯორჯია“
ბანკის კოდი: UGEBGE22
ა/ა GE21VT6500000007773607
საკონტაქტო ტელეფონის ნომერი: 03202199119
საკონტაქტო ელ. ფოსტა:


დირექტორი
/ ლევან სულაბერიძე



მიმწოდებელი

შპს „სოფტმასტერ სერვისი“
ს/კ 404431897
მის: ქ.თბილისი აღმაშენებლის 172
ტელ. +995593118119, +995591913136
ბანკი: საქართველოს ბანკი
ბანკის კოდი: BAGAGE22
ა.ბ. GE74BG0000000290158100

დირექტორი
/ალექსანდრე ჭიპაშვილი/



თბილისის ტერმინალის ტერიტორიაზე არსებული აპარატურის ჩამონათვალი:

1. 9 ცალი 3MP dahua KDW-HW47RC83 კამერა
2. 1 ცალი 3 MP Hikvision კამერა
3. 1 ცალი 8 ვინჩესტერიანი და 2 ცალი 5 ვინჩესტერიანი sinology რეიდ მასივი
4. სერვერი i3 ის ბაზაზე რომელზეც ჩაწერილია პროგრამა Luxriot 16 კამერის მხარდაჭერის ლიცენზიით.

ფოთის ტერმინალის ტერიტორიაზე არსებული აპარატურის ჩამონათვალი:

5. 8 ცალი 3MP dahua KDW-HW47RC83 კამერა
6. 2 ცალი 3 MP Hikvision კამერა
7. 1 ცალი 8 ვინჩესტერიანი და 2 ცალი 5 ვინჩესტერიანი sinology რეიდ მასივი
8. სერვერი i3 ის ბაზაზე რომელზეც ჩაწერილია პროგრამა Luxriot 16 კამერის მხარდაჭერის ლიცენზიით.

